



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Sacrorvm Ritvvm Et Caeremoniarvm

Vinitor, Gerlacus

Coloniae Agrippinae, 1656

XV. De officio Acolythorum celebrante Episcopo.

urn:nbn:de:hbz:466:1-9459

iam in Missis defunctorum ministrabit nauiculam & thuribulum ordine & modis supra positus. *Quartò* ad eleuationem SS Sacramenti.

TITVLVS XV.

De officio Acolythorum celebrante Episcopo.

1. **H** duo Ministri Ceroferarii induti esse debent superpelliceis mundis, & dum Episcopus suis induendus est paramentis, ea deferunt suo ordine cum debitis reuerentiis ad Episcopum.

2. Deinde manent apud Credentiam, donec incipiendum sit Euangelium, tunc enim antequam vadant ad locum Euangelii, accedunt ad Episcopum cum candelabris & cereis & ante illum genuflectant donec dederit Diacono benedictionem deinde surgentes accedunt ad locum Euangelii ubi collocant se hinc inde à lateribus subdiaconi tenentis librum Euangeliorum, & cum alii se signant, inclinant aut genuflectunt sub Euangelio, ipsi cum subdiacono perstant velut immobiles. Finitoque Euangelio, cum debitis reuerentiis eodem ordine reuerentes, reponunt candelabra super credentia.

3. Circa offertorium adiuuant subdiaconum apud Credentiam in extendendo velo circa humeros illius. Eundemque subdiaconum Calicem ad Altare portantem vnus sequens portabit vrceolos vini & aquæ super peluicula pariter dispositos, eisque in cornu Epistolæ opportunè subministratis eos reponat ad Credentiam.

4. Finit.

4. Finita Præfatione funalia seu intortitia accensa afferent, & factis debitis reuerentiis genuflectent hinc inde à lateribus subdiaconi tenentis patenam, & post elevationem Calicis cum aliis surgentes factis debitis reuerentiis discedent & funalia extinguent, nisi aliqui sint communicandi, quo casu, prout etiam in diebus ieiuniorum, & in missis pro defunctis cum illis accensis genuflexi manebunt vsque ad peractam communionem.

5. Finita Missa resumentes candelabra cum cereis de Credentia præmissis debitis reuerentiis redeunt prout venerant, depositisque candelabris adiutant in reponendis paramentis pontificalibus.

6. In vesperis quando Episcopus paramentis indutus procedit è sacristia, aut alio loco ad sedem suam præferunt candelabra cum cereis accensis, & cum peruenerint ad Altare, ibi consistentes hinc inde à lateribus eorum, factis cum illis debitis reuerentiis, statim discedunt, ad latera Altaris, ubi super gradu vel plano inferiori deponunt candelabra extinctis cereis.

7. Dum cantatur Antiphona ante *Magnificat* accedentes ad Altare cum debitis reuerentiis eleuabunt hinc inde anteriorem partem superioris robaleæ seu velo super Altari positi, illam conduplicando vsque ad medium, & thurificato Altari reducent prout erat super Altari.

8. Dum repetitur Antiphona post *Magnificat* accensis prius cereis deferent candelabra ad Episcopum & tenebunt ante illum hinc inde facibus ad inuicem versis, donec absoluta fuerit Oratio & repetitum *Dominus vobiscum*, tunc enim factis genuflectionibus Episcopo redeunt ad

ad Altare, vbi in suo loco reponunt candelabra sua.

9. Postremò iuuant in reponendis paramentis pontificalibus more solito.

TITVLVS XVI.

De Ministro ad candelam seruiente.

1. **A** Colythus candelam accensam deferens dextra, ex instrumento quod Bucia dicitur, super pelliceo indutus esse debet cum socio suo de libro seruiente, & cum eo pari disciplina procedet.

2. Dum Episcopus legit Psalmos *Quam dilecta* etc. orationes ad paramenta, Introitum Missæ, *Gloria in excelsis* Orationem, Epistolam cum Graduali; symbolum, Offertorium, aliaque in Missa semper lumen ministrabit, & regulariter cum socio suo ad librum seruiente à dextris Episcopi, etiamsi aer sit lucidus & Episcopus lumine non egeat ad legendum. Cum verò Episcopus est ad Altare, Minister de libro ad illud accedere non debet, cum eo opus non sit, sed sufficit ille de candelam.

3. Ad Vesperas cum Episcopus incipiat primam Antiphonam, Hymnum, Antiphonam ad *Magnificat* & cantabit orationem, candelam etiam sustinere debet à dextris Episcopi.

4. Quando Episcopus de sua sede ad Altare procedit aut ad faldistorium descendit, semper eum sequitur cum ministro de libro, si opus est, & quando redit, eum sequuntur, hoc est initio Missæ, & post offertorium, non verò quando ad Vesperas thurificaturus est Altare.

5. Quando Episcopus priuatim celebrat, ipse qui